


诸子百家之蒙学

训蒙骈句



中华古典精华文库

训蒙骈句

明·司守谦

目录

训蒙骈句卷上.....	02
卷下一先.....	10

训蒙骈句卷上

一东

天转北，日升东。东风淡淡，晓日濛濛。野桥霜正滑，江路雪初融。报国忠臣心秉赤，伤春美女脸消红。孟柯成儒，早藉三迁慈母力；曾参得道，终由一贯圣人功。

清暑殿，广寒宫。诗推杜甫，赋拟扬雄。人情冷暖异，世态炎凉同。丝坠槐虫飘帐慢，竹庄花蝶护房栊。高士游来，屐齿印开苔经绿；状元归去，马蹄踏破杏泥红。

龙泉剑，鸟号弓。春雉逐疫，社酒祈丰。笛奏龙吟水，萧吹凤啸桐。江面渔舟浮一叶，楼台樵鼓报三通。时当五更，庶尹拱朝天阙外；漏过半夜，几人歌舞月明中。

二冬

君子竹，大夫松。偷香粉蝶，采蜜黄蜂。风定荷香细，日高花影垂。大庾岭头梅灿烂，姑苏台足草蒙茸。跃马游人，苑内观花夸景美；操豚野老，田间拜社祝年丰。

冯妇虎，叶公龙。鱼沉雁杳，燕懒莺慵。依依河畔柳，郁

郁涧边松。天成阆苑三千界，云锁巫山十二峰。骚客游归，双袖微沾花气湿；渔郎钓罢，一舟闲系柳阴浓。

催春鸟，噪秋蛩，郭荣叩马，卫献射鸿。玉盘红缕润，金瓮绿醅浓。对雪谁家吟柳絮，坡风何处采芙蓉。芳满春园，红杏有颜清露洗；雨过秋谷，玄关无锁白云封。

三江

花盈槛，酒满缸。颓垣败壁，净几明窗。兰开香九畹，枫落冷吴江。山路芳尘飞黯黯，石桥流水响淙淙。退笔成邱，右军书秃三千管；建旗入境，安石门排十六双。

斟玉斝，剔银缸。起风石燕，吠日山虬。春柴千门柳，秋莲万顷？江。酒力能将愁阵破，茶香可使睡魔降。北苑春回，一路花香随著屐；西湖水满，六桥柳影照飞舟。

吹牧笛，泛渔舟，严陵真隐，纪信诈降。冬雷惊渭亩，春水泛湘江。庭院日晴黄鸟，江湖浪阔白鸥双。十八拍笳，蔡琰悠吹于北塞；三五株柳，陶潜啸傲于南窗。

四支

梅破蕊，柳垂丝。荷香十里，麦穗两歧。剥橙香透甲，尝稻气翻匙。紫陌游人摇玉勒，画堂酒客醉金卮。云锁巫山，墨翰饱滋天外笔；池涵列宿，玉盘乱布水中棋。

三都赋，七步诗。班超投笔，王质观棋。月照富春渚，雷轰荐福碑。堤柳拖烟迷翡翠，海棠经雨湿胭脂。豪富石崇邀客不空金谷盞，风流山简驻军常醉习家池。

戈倒握，笛横吹。阮籍青眼，马良白眉。雨阑流水急，风定落花迟。衰柳人斜卷玉帘通燕子，陶情侠客闲抛金弹打莺儿。

五微

城矗矗，殿巍巍。纫兰楚客，泣竹湘妃。客伤南浦草，人采北山薇。竹笋生长擎玳瑁，石榴并破露珠玑。能语能言，鸚鵡啣音芳舌底；有经有纬，蜘蛛结网费心机。

吹暖律，捣寒衣。风翻翠幕，月照朱帟。夜长更漏远，昼永篆香微。村墟犬已经霜瘦，篱落鸡因啄粟肥。碧帟老翁，柳边时睨游鱼走；雪衣仙女，花底长陪舞蝶嬉。

虹晚现，露朝晞。荷擎翠盖，柳脱棉衣。窗阔山城小，楼高雨雪微。林中百鸟调莺唱，月下孤鸿带影飞。老圃秋高，满院掀黄开菊径；芳庭春草，两歧辅绿上柴扉。

六鱼

花脸露，柳眉舒。两行雁字，一纸鱼书。日晴燕语滑，天阔雁行疏。弄笛小儿横跨犊，吟诗骚客倒骑驴。谢世幽人，紫艳葡萄千日酒；入京才子，白藤画匣万言书。

居有屋，出无车。乘舟范蠡，题柱相如。稻花连陇亩，梧叶满阶除。梅弹随风掠过鸟，月钩沉水骇游鱼。醉卧瓮旁，放达情怀毕吏部；行吟泽畔，枯樵面色楚三闾。

鹰捕兔，鹭窥鱼。林修茂竹，地种嘉蔬。兰风清枕簟，梅竹润琴书。僧舍何人吹短笛，王门有客曳长裾。江燕引雏花外怯，风飞复落，山含雨天边蔽日卷还舒。

七虞

金谷景，辋川图。十洲三岛，四澳五湖。篆香浮宝鼎，漏箭响铜壶。老丈灌园新抱瓮，文君卖酒自当垆。豫让报仇吞炭漆身思灭赵，越王怀恨卧薪尝胆俗平吴。

云里鹤，日中鸟。来宾雁序，傍母鸡雏。夜月琴三弄，春风酒一壶。菊盏带霜盛碎玉，荷盘翻露泻明珠。关外戍臣两鬓经霜羁远塞，江干渔父一蓑烟雨钓平湖。

云母石，水晶珠。陆绩怀橘，史丹伏蒲。儿童骑竹马，旅客忆莼鲈。一水尽含飞阁动，百花半映古槎枯。庶尹趋朝玉笋班中鸣鸾佩，群娇绣阁石榴花下斗樗蒲。

八齐

金鲤跃，玉【马总】嘶，朝阳丹凤，报晓黄鸡。夜月鸟忙唤，春风莺乱啼。园中新笋半成竹，路上花落尽点泥。蛮柳眠

低小弱腰肢遭雨苦，海棠睡起丰娇体态被春迷。

敲拍板，唱铜鞮。赋名鹦鹉，诗咏鳧鹭。峡猿啼夜月，巢鸟掠春泥。涸附喜得庄周活，良马欣逢伯乐嘶。烟锁溪头平树绿，扬浮翡翠，月沉海底一泓清水映玻璃。

题粉壁，附丹梯。桑麻接壤，桃李成蹊。渔家收幕网，军垒动宵鼙。一呕扬子归蛙室，三笑渊明过虎溪。碎梦悠扬乱逐落花飞上下，闲魂飘泊直随流水绕东西。

九佳

蒙月氎，裹青鞋。雷轰天地，风扫雾霾。葡萄来汉苑，萸英生尧阶。含愁班女题纨扇，行乐王维赴鹿柴。帝里繁华巷满莺花添锦路，仙家静寂云穿虬树锁丹崖。

乌犀带，白玉钗。金章璞绶。布袜芒鞋。桂花飘户牖，柳影上庭阶。花酒一园供宴乐，云山千里称吟怀。月到天心远近楼台均照耀，雪堆山顶高低蹊路尽庄埋。

云竹锦，水松牌。茶抽蓓蕾，酒熟茅柴。莺梭随柳织，雁字叠云排。袖里风光循竹径，襟前雨意罩兰阶。风刮长途卷起芳尘迷道路。

雪融巫峡添来新水满江淮。

十灰

巡五岳，望三台。绿橙是叟，红叶为媒。寒深银粟起，醉重玉山颓。树杪风停声未息，花梢月上影成堆。篱下菊开陶令对花时一醉，庭前枣熟杜陵上树日千回。

培晚葵，探寒梅。出墙红杏，夹道绿槐。朱陈联戚觉，刘阮到天台。解冻暖风医病草，及时甘雨润枯菱。蜂采菜花脚带黄金飞不起，雀争梅蕊口衔白玉叫难开。

栽五柳，植三槐。成里青箬，渴望绿梅。齏成劳咄啐，诗就作敲推。捉月骚人凌波浪，乘云仙子上蓬来。灯点木油红日光中消冻雪，弓弹绵絮白云堆里响晴雷。

十一真

吴孟子，楚春申。春风态度。秋水精神。窗目笼纱纸，炉头倒葛巾。吴札多情曾挂剑，张纲有志独埋轮。公子朝歌檀板缓催金缕曲，王孙夜饮丝绦长系玉壶春。

金孔雀，玉祥麟。蟋蟀噪晚，鸚鵡鸣春。壁蛩惊怨妇，村犬吠行人。渔唱悠悠清水澈，樵歌杳杳碧苔新。秋色萧条万树凋零山瘦削，春情淡荡百花妆点草精神。

将军帽，进士巾。孔门十哲，殷室三人。读书探圣道，嗜酒露天真。戏水游鱼萦过客，隔花啼鸟唤行人。落地杨花乱逐东风随马足，掀天桃浪缓乘春雨化龙麟。

十二文

茶已熟，酒初醺。西堂梦草，南涧采芹。烂霞成五色，瑞雪积三分。子美诗成能泣鬼，相如赋就自超群。贪醉请莲采石矾头捞皓月，思亲仁杰太行山顶望孤云。

徐孺子，信陵君，文章太守，韞略将军，踏山寻妙药，锄地种香芸。灯尽不挑垂暗芯，炉灰重梭尚余薰。金殿昼长隐隐漏壶花外转，锦江夜静悠悠渔笛月中闻。

巫峡月，楚岫云。灯光灿烂，酒气氤氲。蜂趋红杏蕊，鹅踏碧苔纹。清露临晨凉似洗，火云当午热如焚。情重志坚鸳阁腐衣韩烈妇，才高兴发龙山落帽孟参军。

十三元

桃叶渡，杏花村。衔芦征雁，接箭老猿。晓径牛羊践，晴檐燕雀暄。水獭祭鱼知报本，山乌哺母不忘恩。曳丈高人园菊径边寻故旧，荷锄野老海棠花下戏儿孙。

碧鸡庙，金马门。金杯玉斗，龙勺栖樽。庆云拖玉殿，甘露滴铜盆。闭户袁安甘卧雪，下帷董子不窥园。廉范临民，慈惠群歌来何暮，于公治狱，清勤共羨死无冤。

鸦聚阵，鄂飞騫。画龙破壁，爱鹤乘轩。疏泉流地脉，移石动云根。芍药歌红翻古砌，薜萝行绿上颓垣。秋冷吴江青枫叶落飘前渚，日斜彭泽白蓼花飞过远村。

十四寒

蒲蔡扇，竹箨冠。旌旗闪闪，环佩珊珊。烟花潘岳县，夜月严陵滩。衣袂障风金缕细，剑锋横雪玉鞘寒。柳絮因风数点频黏银伐阅，梨花带雨一枝斜倚玉栏干。

烧兽炭，烹龙团。孟宗哭竹，燕【女吉】梦兰。松枯遭雨苦，花瘦怕风寒。辨礼闾公辞昌歌，呈威介子斩楼兰。纵侈王孙长向花前酣美酒，避嫌君子不从李下整危冠挥玉勒，跨金鞍。范增撞斗，贡禹弹冠。琴弦弹别鹤，镜匣掩孤鸾。冰泮楚江舟举易，尘蒙蜀道客行难。大地阳回淑气催梅传信息，长天昼永好风敲竹报平安。

十五删

山叠叠，水潺潺。珠还合浦，玉出昆山。明星千点灿，新月一钩弯。夜饮主宾联蝉座，早朝早武列鸳班。杵臼程婴义立孤儿存赵祚，沛公项羽计谋孺子夺秦关。

蛇报主，雀衔环。虎头燕颌，鹤发龙颜。水流分燕尾，山秀拥螺鬟。梁帝讲经同泰寺，严光垂钓富春山。返哺慈乌夜月枝头啼哑哑，迁乔好鸟春风花底语关关。

铜壶阁，玉门关。闹中取静，忙里偷闲。一川巫峡水，九曲武夷山。端石砚生鸂鶒眼，博山炉起鹧鸪斑。避世道人饮露餐霞消俗态，倾城美女凝脂抹粉出娇颜。

卷下一先

清冷节，艳阳天。樽前歌舞，花里管弦。高松栖瑞鹤，病柳咽寒蝉。处处播秧梅坞雨，家家缫蚕竹篱烟。秋色方升淝水，风霜悲唳鹤，春风欲暮蜀山花木怨啼鹃。

红杏雨，绿杨烟。庭花一梦，禁柳三眠。砚冷冰团结，帘疏月影穿。隐士不慌三径菊，美人常采一溪莲。麈战将军一道甲光衔雪亮，凯歌士卒千群马色截云鲜。

君臣药，子母钱。刻符制鬼，铸鼎升仙。烛奴燃豹髓，剑客舞龙泉。竹笋双生稚犊角，蕨芽实出小儿拳。枕上怀人梦断还思倾国色，庭前饯客酒阑更赠绕朝鞭。

二萧

红芍药，绿芭蕉。杏花冉冉，枫叶萧萧。云开山见面，雪化竹伸腰。武士战争披铁甲，美人歌舞堕金翘。怀古不忘岂在汤盘并周鼎，读书最乐何分曾瑟与颜裁兽锦，剪蛟绡。耕云野老，卧雪山寮。珠帘昼半卷，银烛夜高烧。驰骤乌骓能致远，缙蛮黄鸟识迁乔。学士参禅座内合当留下带，谪仙爱饮樽前不惜解金貂。

乘五马，贯双雕。闲看妓舞，细听童谣。庄龟山刻节，渡蚁竹编桥。穿花白蝶双飞急，藏叶黄鹂百啭娇。日丽苑林点点梅妆宋主额，风扬宫院纤纤柳舞楚娥腰。

三肴

闲博奕，喜诙嘲。太公渭水，伊尹莘郊。葵开握血染，笋出虎皮包。阶下苔生遮蚁穴，溪边柳发蔽莺巢。才子嬉游顿觉花香随马足，玉人歌舞不知月影转花梢。

飞羽檄，续鸾胶。林留宿鸟，渊发潜蛟。寻芳来曲往，拾翠到平郊。唱彻不将诗板击，醉来还把酒壶敲。春暖泥融燕语风光浮草际，夜清云散鹃啼月色映花梢。

挑野菜，荐山肴。筑台垒上，结屋诛茅。鹤随鸡共立，鸠与鹊争巢。运际君臣鱼得水，交深朋友漆投胶。攻苦书郎不敢光阴容易掷，耐勤绣女漫将春色等闲抛。

四豪

偿酒债，纵诗豪。烹茶喂菽，枕曲籍糟。篱芳红木槿，架袅紫葡萄。远障雨余岚气重，半天云净月轮高。蛩入残秋昼阁相偕吹蚓笛，鸡鸣半夜函关曾度窃狐袍。

春鸟唱，晚蝉嘈，傍帘飞雀，升木教猱。尘氛站马足，风

力鼓鸿毛。上表陈情传李密，投诗免役说任涛。螺髻青浓野外晚山垂万仞，鸭头绿腻溪中春水长三篙。

乘宝马，掣金鳌。九宫八卦，三略六韬。笼鹅王逸少，相马九方皋。窗下援琴弹古调，樽前剪烛读离骚。罢官情闲陶氏门前栽五柳，除土计妙齐公庭内赐双桃。

五歌

雷霹雳，雨滂沱。穿苔竹笋、缠树藤萝。两山排翠阁，一水带青罗。蛛网挂檐惊过雀，萤灯照户误飞蛾。雨过池塘到处青蛙鸣碧草，晴看陂泽有时白鸟浴红茶。

歌婉转，语婆娑。乾坤转毂，日月飞梭。村童携草笠，溪叟晒渔蓑。须贾赠袍怜范叔，相如引驾避廉颇。野寺日高无事老僧眠正稳，池亭月上遣怀骚客咏偏多。

裁细葛，剪香罗。闲中啸傲，醉里吟哦。野云归晚岫，江月滚秋波。山岭云横庄凤髻，沙堤雨滴露蜂窝。樵子采鲜树拥松磷如欲活，渔郎照影江浮菱镜不须磨。

六麻

梁上燕，井中蛙。守株待兔，打草惊蛇。断猿号绝壑，归雁落平沙。檐前蛛网开三面，户外蜂房列两衙。夹道古槐乘放午阴遮客路，穿篱新笋乱分春意撩人家。

茶绽蕊，草萌芽，傍花随柳，沉李浮瓜。山人牧芋栗，野

老种桑麻。舴艋渔朗歌款乃，秋千绣女笑喧哗。春去如何已见
飞残堤柳絮，夜来多少不知开遍海棠花。

黏角黍，饭胡麻。披风戴月，饮露餐霞。时酌新丰酒，初
尝阳羨茶。珠履三千光错落，金钗十二影歌斜。诸葛行军落落
轮前挥羽扇，昭君出塞忽忽马上拨琵琶。

七阳

黄金殿，白玉堂。朱楼绣阁，画栋雕梁。玉琴横净几。珍
簟展方床。梅碧正迎江岸雨，橘黄颓借洞庭霜。割麦山人紧束
黄云青满担，插秧野老细分春雨绿成人行。

开祖帐，踞胡床。弹丝品竹，劝酒称觞。樵歌来绿野，渔
笛起沧浪。唤雨斑鸠喉舌冷，宿花蛱蝶梦魂香。天诏初传仙女
锦衣持虎节，大兵来出将军绣袞压龙骧。

麟应瑞，凤呈祥。蝠争昼夜，燕渺炎凉。夜月梧桐院，春
风桃李墙。淼淼溪流分燕尾，迢迢山路绕羊肠。唐穆性贪库内
青钱化作蝶。

初平术妙山中白石变成羊。

八庚

霞散绮，雪飞琼。虹消雨霁，斗转星横。月移花改影，风
动竹生声。岭外云霞花下月，湖边烟雨柳梢晴。肠谷日华仪凤

羽毛新灿烂，洞庭浪暖化龙头角独峥嵘。

占风偶，结鸥盟。开笼放鹤，跨海斩鲸。刘伶成酒癖，李白擅才名。月明何处衣砧响，风细谁家玉笛横。援笔祢衡江夏裁成鹦鹉赋，吹箫弄玉笛楼巧作凤凰声。

炊麦饭，忆莼羹。搜肠茗叶，适口香粳。啼鸟惊春梦，鸣鸡促晓行。孟尝门下三千客，小范胸中百万兵。韦固良缘旅舍殷勤逢月老，裴航佳偈兰桥邂逅遇云英。

九青

宣紫诏，拜黄庭。鳧飞北阙，鸿转南溟。蟠桃千岁熟，丹桂九秋馨。曳杖寻僧来古寺，提壶饯客到长亭。水面游鱼冲散浮萍千点绿，岗头过马踏开芳草一痕青。

现稷稼，验尧羹。庄周梦蝶，车胤囊萤，水浪风翻白，山藓雨掠青。汉水雨余龟曳尾，华山月冷鹤梳翎。鲁阳倒戈薄暮指回三舍日，渔父泛棹清霄摇动一湖星。

千顷稻，一池萍。露冻石乳，风撞花铃。山随帆影转，水被石机停。云迷石洞花眉碧，日晒金城柳眼青。唤友黄鹂声逐暖风飘院落，失群鸟雁影随寒月下江汀。

十蒸

霜凜冽，日炎蒸。金乌西坠，玉兔东升。谭清潦水尽，山

紫碎花凝。林泉偶座堪留客，竹院相逢却话僧。苏轼神驰祛囊附床投黠鼠，王思心急停毫拔剑追飞蝇。

裁蜀锦，织吴绫。儒传一贯，释悟三乘。月殿凌空入，云梯逐步登。鹏达亏程天万里。龙翻禹穴浪千层。鹧列鹭班袅袅仙台朝玉辇，龙蟠虎踞巍巍帝阙起金陵。

酤酒帜，读书灯。菖蒲九节，莪术三棱。烦蒸如坐甑，极冷似杯冰。西堂梦草谢灵运，远地思莼张季鹰。山妇供厨旋所生柴炊野菜，舟翁泛艇轻摇画桨采河菱。

十一尤

凌烟阁，得月楼。筑台拜将，投笔封侯。碧苔生陋巷，红叶出御沟。天际虹梁和雨斲，江边渔网带烟收。唱晓灵鸡两翅拍斜茅店月，排云孤鹤一声泪落海天秋。

青兜铠，白狐裘。焚琴煮鹤，卖剑买牛。疾风吹雨脚，新月挂云头。月落洲留沙上雁，云飞水宿浪中鸥。痒序间人茗碗香炉对古史，江湖散客笔床茶灶载扁舟。

鸳鸯浦，鹦鹉洲。天寒鸦聚，水暖鱼游。张良诚事汉，王粲原依刘。对雪佳人吹凤管。御寒公子拥狐裘。春宴嘉宾雅酌琼浆宽酒量，夜吟骚客闲收花露润诗喉。

十二侵

青萍剑，绿绮琴。书天木笔，刺水秧针。卞和三献玉，杨震四知金。墙内杏花红出色，门前桑柘绿成阴。元亮归来新竹旧松多逸趣，子期去后高山流水不知音。

松郁郁，竹森森。孤峰绝壑，远水遥岑。桓伊三弄笛，虞舜五弦琴。淑气渐催莺出谷，夕阳忙促鸟投林。武将承恩面带霜威辞凤阙。

使臣奉诏口传天语到鸡林。

十三覃

锄嫩笋，切香柑。阳奇阴偶，朝四暮三。冬冰铺冷沼，秋月浸寒潭。雁逐夕阳投塞北，鸿拖秋色下江南。海水将潮花底黄蜂衙已罢，山云欲雨阶前白蚁战方酣。

听蜀鸟，养吴蚕。谢安高卧，王衍清淡。春暖群芳丽，秋清万象涵。庞德遗安来陇上，曹彬示病下江南。风起寒江密雪乱堆渔父笠，月斜古路闲云深护老僧庵。

花侍女，草宜男。龙龙车凤辇，鹤驾鸾骖。风筛淇澳竹，霜熟洞庭柑。苑上王孙游未返，花前公子醉方酣。苑上霜高睡短鸡偏促，穷途过客雪滑泥长马不堪。

十四盐

风料峭，雨廉纤。夜愁种种，春思厌厌。水痕霜后没，山

色雨中添。姑去尽留云母粉，客来只醉水晶盐。月转书楼莲漏数声催晓箭，风生绣阁檀香一缕透香帘。

蚰篆壁，雀驯檐。一端绵绮，三尺素缣。骄阳红烁石，密雪白堆盐。清霜冷透鸳鸯瓦，落月斜穿翡翠帘，舞剑孙娘珮声袅袅知腰软，辨琴蔡女弦韵悠悠觉指纤。

摇画扇，卷珠帘。九重蜡炬，万轴牙签。落花狂蝶绕，尽絮游蜂黏。看经老子头斜秃，刺绣佳人指露肩。秋老风寒知飘红叶落山路，夜深雪急故伴绿梅穿户檐。

十五咸

红罗帐，黑石函。琴横徽轸，乐奏英咸。花香蜂竞采，泥暖燕争衔。寒上寒霜迟寄袄，江头斜日促归帆。陇上梅开寄赠故人犹可折，阶前草长丁宁童子不须芟。

飘舞袖，脱征衫。风清月白，河淡海咸，断碑凝土蚀，古镜被尘缄。凜凜清霜寒橘柚，濛濛细雨暗松杉。供韭林宗夜向灯前冒雨翦，?思莼张翰归来江上挂风帆。

樊迟圃，傅说岩。一川花柳，千里松杉。云峰形突兀，石壁势岩巉。野店黄鸡声喔喔，屋梁紫燕语喃喃。炉上香酒对月几回频举盏，案前书满临风一笑却开缄。